



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Magistro Et Fratribvs militiæ Templi.

**urn:nbn:de:hbz:466:1-20020**

nus præsumatis. Tu denique, frater Patriarcha, super te ipso &c. Datum Laterani xvi. Kal. Februario, pontificatus nostri anno decimoquinto.

## ILLVSTRI REGI CYPRI.

**Epist. 108.**  
Vt à Cœritia-  
notram oppug-  
natione deli-  
xii.

**Q**uantum expediāt ut tibi & carissimo in Christo filio nostro Regi Hierosolymitano illustri, aliis Principibus & Baronibus in ultramarinis partibus constitutis in Domino cor unum & anima una, ipsa docere te potest circumfrementis barbariae multitudine, & innumerorum etiam Regum ac populorum exempla, qui leguntur illis succubuisse divisi quibus poterant restitisse conjuncti. Licet in hac parte nequaquam exemplis egeas peregrinis, utpote qui manifeste cognoscis quod inter cetera peccata populi Christiani, quibus exigentibus gentes in hereditatem Domini venientes templum Domini, quod non absque dolore recolimus, polluerunt, plurimum nocuit discordia & contentio qua super Principes & magnates ibi consistentes effusa eos fecit in invio aberrare, dum proprias persequentes injurias, injuriarum oblii sunt crucifixi, & per adinventionum suarum malitias divinae majestatis oculos provocantes, illo meruerunt spoliari thesauro in quo solo Apostolus gloriat, cruce videlicet Domini Iesu Christi. Si enim mandata Domini attendentes in unitatis vinculo persistissent, facta fuisset eorum pax juxta verbum propheticum sicut flumen. Sed dum vir non curat parcere fratri suo, dum unusquisque carnem sui brachij devorat, dum transgredientur leges fœdere dissipato, terram maledictio devoravit, & habitatoribus ipsius peccantibus, homines pauci reliqui sunt in eadem, coram quibus regionem ipsorum devorant alieni; meritòque timendum est ne in iis omnibus nondum si Domini furor aversus, sed adhuc manus divinae ultiōnis extenta, cum populus ad percūtientem se necdum plenē redierit, sed quasi hostis desit, converterit in se manus, ibique Christianus Christianum captivare non dubitet ubi tot Principes aliquae fideles sua pro defensione nominis Christiani corpora tradiderunt, immo eriam ubi ipse Christus pro nobis tradidit semetipsum. Ecce enim tu ipse, qui eō devotius teneris Regi militare cœlesti quod idem tibi maiorem contulit potestate, dilectum filium nobilem virum O. consanguineum dicti Regis & quosdam alios vassalos ejusdem, qui Saracenis eos armatis ac igne urgentibus, ad

Tom. II.

terram tuam quasi tutum Christiani populi receptaculum configurerunt, carcerali custodiae, sicut accepimus, mancipasti, & spredo nomine Christi, quod invocatum est super eos, ipsos tractari facis adeo inhumanè ut eis nil videatur prodefesse quod effugerint saevitiam barbarorum. Quin immo ipsis ad cumulum doloris accedit, & eorum penas hoc ipsum non modicū exacerbat, quod ibi repererunt supplicium ubi refugium debuerant invenisse. Ad hæc, regnum ipsius, homines suos, qui sibi rebelles existunt, contra eum, ut dicitur, manutendo, perturbas, divinae legi obviare non metuens, qua quisque id alij facere quod ipse sibi nollet fieri prohibetur. Quia igitur per hoc inter te ac ipsum Regem grave posset non sine populi Christiani periculo & jactura scandalum generari, ferentiam tuam monemus, rogamus, & exhortamur in Domino, tibique in remissionem injungimus peccatorum, quatenus dictum O. & alios Regis memorati vassallos, quos licet non generatio carnis, baptismi tamen regeneratione effici tibi fratres, ob reverentiam beati Petri & nostram, immo potius ob ipsius Christi timorem pariter & amorem, à quo nomen tecum accipere meruerunt, liberos abire permittens, ipsius Regis hominibus nullum contra eum impendas auxilium vel favorem, quin immo potenter assistas eidem ad jura sua contra perturbatores in debitos defendenda; ut idem ad tuam per hoc amicitiam provocatus, non odii tecum teneatur contendere, sed obsequiis; ex quibus utique fructus temporales provenire poterunt & aeterni. Taliter autem apostolicum audire cures & exaudire mandatum ut te tamquam obedientię filium caritatis brachiis fortius amplexantes, preces tuas, si quas aliquando nobis duxeris porrigendas, admittere meritò teneamur. Datum Laterani vii. Idus Ianuarij, pontificatus nostri anno decimoquinto.

MAGISTRO ET FRATRIBVS  
militie Templi.

**Q**uantum expediāt ut vobis & carissimo in Christo filio nostro Regi Hierosolymitano illustri aliisque Principibus &c. usque alieni. Ne igitur vobis in vos ipso divisa terra eadem, quod absit, amplius desoletur, universitatē vestram monemus, rogamus, & exhortamur in Domino, & per apostolica scripta precipiendo mandamus quatenus Regi prædicto contra quoslibet regni sui perturbatores

VVU ij

**Epist. 109.**

De eadem sc.

debitos fideliter & viriliter assistentes, terram ejus & jura sicut vestra propria defendatis, memores quod vestra res agitur paries cum proximus ardet, & dum prefatum nitimini regnum defendere, propriam securitatem noscimini procurare. Nos enim venerabili fratri nostro Patriarchae Hierosolymitano apostolicae sedis Legato nostris damus litteris in mandatis ut vos ad id efficaciter moneat & inducat, & si videbit expedire, per censuram ecclesiasticam sublatu appellatio impedimento compellat. Datum Laterani v. Idus Ianuarij, pontificatus nostri anno quintodecimo.

*In eundem modum scriptum est magistro & fratribus Hierosolymitani Hospitalis. In eundem modum scriptum est Comiti Tripolitano.*

*Super hoc scriptum est Patriarche Hierosolymitano apostolicae sedis Legato ut eos ad id efficaciter moneat & inducat, & si videbit expedire, per censuram ecclesiasticam sublatu appellatio impedimento compellat.*

**PATRIARCHÆ IEROSOLYMITANO**  
apostolicae sedis Legato, & suffraganeis ejus.

*Epi. 210.  
Ut populos in  
Regis fide con-  
fitemur.*

**Q**uanto ex dissensionibus Principum & magnatum Hierosolymitanæ provinciæ graviora saepius discrimina evenisse conspicimus, tanto sollicitius quieti ac paci ejusdem intendere affectamus. Ne igitur propter obitum claræ memorie... Reginæ uxoris carissimi in Christo filii nostri Hierosolymitani Regis illustris aut alia quacunque causa regnum ejus, ad cuius regimen vobis postulantibus est assumptus, à quoquam temere perturbetur, ac per hoc contingat scissuras & scandalia in eadem provincia generari, universitati vestra per apostolica scripta mandamus quatinus universos regni fideles ut in ipsis Regis & filiae sua fidelitate firmi stabileque persistant, sedulis exhortationibus inducentes, rebelles, si qui fuerint, aut alias quoilibet ipsius Regis aut regni molestatores indebitos, cum ab eo fueritis requisiti, per censuram ecclesiasticam sublatu appellatio obstaculo compescatis. Vos denique, fratres Patriarcha & Episcopi, super vobis ipsiis &c. Datum Laterani v. Idus Ianuarij, pontificatus nostri anno quintodecimo.

**I L L V S T R I R E G I**  
*Hierosolymitano.*

*Epi. 211.  
Honatur eum  
ad defensionem  
terre sanctæ.*

**V**enientem ad apostolicam sedem venerabilem fratrem nostrum Sidoniensem Episcopum consueta benignitate recepimus, & super obitu claræ memoria... Reginæ uxoris tuae nobis nuntiato per

ipsum paterno tibi condolentes affectu, ea quæ idem Episcopus super tuis ac regni tui negotiis sollicitè ac prudenter, sicut vir providus & fidelis, proposuit coram nobis, quantum decuit curavimus exaudire. Monemus autem serenitatem tuam, rogamus & exhortamur in Domino quatenus sollicitè pensans discrimina & iacturas quas Hierosolymitana provincia ex dissensione Regum ac Principum consistentium in eadem multotiens noscitur incurrisse, ad arma contra Christianos movenda non quibuslibet pertraharis injuriis aut ampliandi regni cupiditate inciteris, sed in sapientia vincens malitiam, & de regno cogitans sempiterno, ad ea pro quibus natu rali soli dulcedinem reliquisti, defensionem videlicet terræ sanctæ, tota mente diligenter intendas, nec cautelam in prosperis nec constantiam deferens in adversis; sed omni tempore Dominum benedicens, & petens ab eo ut dirigat vias tuas & omnia consilia tua stabiliat in se ipso, qui suos non solum à tribulationis angustia liberat, sed etiam in ipsa tribulatione dilatat, ut timentibus Deum omnia cooperentur in bonum, & cum se consumptos putaveris, ut Lucifer oriantur. Nos verò in proposito gerimus & habemus in votis honores tuos & jura tam in cismarinis partibus quam etiam transmarinis defendere & ad subventionem tuam efficaciter, si desuper datum fuerit, laborare. Datum Laterani v. Idus Ianuarij, pontificatus nostri anno quintodecimo.

**ARCHIEPISCOPO NARBONENSI**  
apostolicae sedis Legato, & Episcopo Regensi, & magistro Thediso Canonico Ia-  
nuensi.

**E**T si resecandæ sint putrida carnes, ne ad partes sinceras corruptionis contagiū extendatur, sic tamen cautè debet & providè manus medentis apponi ut abcidantur ea cautela corrupta quod sinecū per improvidentiam non ledantur. Acceptimus sanè per litteras & nuntios carissimi in Christo filij nostri Petri illustris Regis Aragonum quod postquam adversus Provinciales hæreticos mandatum apostolicum emanavit, crucis signatis terram ingreditibus Vicecomitis Biterrensis, eidem ipsius Regis subsidium imploranti tamquam domini specialiter dexteram subtraxit auxilij & omnis confilij remedium denegavit, & ne super hoc Ecclesiæ propositum impeditret, elegit tunc quibusdam deesse catholicis, ne adesse commixtis ha-